

## শিক্ষকদের গবেষণায় নিবেদিত হতে হবে ॥ চবি উপাচার্য

স্টাফ রিপোর্টার, চট্টগ্রাম অফিস। শুধু  
গতানুগতিক পঠন-পাঠন নয়,  
শিক্ষার্থীদের যুগোপযোগী ধ্যান-  
ধারণা সংবলিত আলোকিত ও  
বিজ্ঞানমনস্ক করে গড়ে তুলতে  
আমাদের শিক্ষক-গবেষকদেরও জ্ঞান  
গবেষণায় নিবেদিত হতে হবে। আর  
নির্ভেদের দক্ষতা, যোগ্যতা ও  
সক্ষমতা বাড়তে অধিকতর  
দায়িত্বশীল হতে হবে। সোমবার  
চট্টগ্রাম বিশ্ববিদ্যালয় উপাচার্য  
দফতরের সম্মেলন কক্ষে বাংলাদেশ  
বিশ্ববিদ্যালয় মঞ্জুরি কমিশন  
পরিচালিত হেকেপের এক কর্মশালায়  
উপরোক্ত কথাগুলো বলেন উপাচার্য  
ড. ইফতেখার উদ্দিন চৌধুরী।  
চট্টগ্রাম বিশ্ববিদ্যালয় ব্যবসায়  
প্রশাসন অনুষদের ডিন প্রফেসর ড.  
জাহাঙ্গীর আলমের সভাপতিত্বে  
অনুষ্ঠানে রিসোর্স পার্সন হিসেবে  
বক্তব্য রাখেন বাংলাদেশ  
বিশ্ববিদ্যালয় মঞ্জুরি কমিশনের  
কোয়ালিটি এস্যুরেন্স বিশেষজ্ঞ  
প্রফেসর ড. সঞ্জয় অধিকারী ও  
প্রফেসর ড. মোঃ আবুল কাসেম।